



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće

Na osnovu člana 13. stav 2. alineja 18., u vezi sa članom 8. stav 3. alineja 4. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06) i člana 19. stav 1. tačka 2. Statuta Općine Breza - Prečišćeni tekst („Službeni glasnik Općine Breza“, broj 8/09), Općinsko vijeće Breza, na sjednici održanoj dana 21.11.2013. godine, d o n o s i

O D L U K U

o pristupanju izradi Plana upravljanja otpadom na području općine Breza

Član 1.

Pristupa se izradi Plana upravljanja otpadom na području Općine Breza (u daljem tekstu „Plan“).

Član 2.

Plan se donosi sa ciljem definisanja uvjeta za uspostavu održivog integralnog sistema upravljanja otpadom na području općine Breza, baziran na principima izbjegavanja, vrednovanja (materijalnog i energetskog) i odstranjivanja otpada.

Član 3.

Plan se donosi za period od 2014. do 2018. godine.

Član 4.

Rok za izradu Prijedloga Plana je septembar 2014. godine.

Član 5.

Sredstva za izradu Plana će obezbijediti Vlada Kraljevine Švedske.

Član 6.

Nosilac pripreme Plana je Služba za privredu općine Breze (u daljem tekstu „Nosilac pripreme“).

Nosilac izrade Plana je Općinski načelnik (u daljem tekstu „Nosilac izrade“).

Član 7.

Nosilac pripreme utvrđuje nacrt Plana koji podnosi Općinskom vijeću na razmatranje. Po utvrđenom nacrtu Plana, održat će se javna rasprava u trajanju od 30 dana. Nakon provedene javne rasprave, nosilac pripreme će utvrditi prijedlog Plana, koji se dostavlja Općinskom Vijeću na usvajanje.

Član 8.

Ova odluka stupa na snagu danom donošenja i biće objavljena u „Službenom glasniku Općine Breza“.

Broj:01/1-02-3190/13
Breza, 21.11.2013.godine

PREDSJEDAVAJUĆI:
Općinskog vijeća
Miro Vrljičak,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 60. i 62. Zakona o plaćama i naknadama u organima vlasti Federacije Bosne i Hercegovine („Službene novine FBiH“, broj 45/10 i 111/12), člana 8. stav 2. i člana 13. stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06 i 51/09) i člana 19. tačka 29. Statuta Općine Breza ("Službeni glasnik Općine Breza", broj 8/09 – Prečišćeni tekst), Općinsko vijeće na sjednici održanoj dana 21.11.2013. godine, donosi

O D L U K U
O PLAĆAMA I NAKNADAMA U JEDINSTVENOM OPĆINSKOM ORGANU UPRAVE
OPĆINE BREZA

I – OSNOVNE ODREDBE

Član 1.
(Predmet Odluke)

Ovom Odlukom uređuju se plaće i naknade nosioca izvršne funkcije i savjetnika, Općinskog pravobranioca, državnih službenika i namještnika u organima državne službe Općine Breza.

Član 2.
(Definicije pojmova korištenih u Odluci)

Pojmovi korišteni u ovoj Odluci imaju sljedeće značenje:

- 1) „nosilac izvršne funkcije“, u smislu ove Odluke je Općinski načelnik.
- 2) „savjetnici“, u smislu ove odluke su savjetnici Općinskog načelnika.
- 3) „Općinski pravobranilac“, u smislu ove Odluke je Općinski pravobranilac.
- 4) „organ državne službe“, u smislu ove Odluke predstavljaju organi državne službe Općine Breza.
- 5) „radno mjesto“ je pozicija utvrđena aktom o unutrašnjoj organizaciji organa državne službe na koju se postavlja državni službenik i namještnik za vršenje poslova utvrđenih za to radno mjesto;

6) „platni razred“ predstavlja razvrstavanje radnih mjesta utvrđenih u aktu o unutrašnjoj organizaciji organa državne službe u određene pozicije radi određivanja iznosa osnovne plaće državnog službenika i namještenika;

7) „koeficijent“ predstavlja brojčanu vrijednost koja se iskazuje arapskim brojevima za svaku poziciju radnog mjesta koje su razvrstane u platne razrede Jedinственog općinskog organa uprave za utvrđivanje visine osnovne plaće;

8) „osnovica za obračun plaće“ predstavlja novčani iznos u konvertibilnim markama (u daljnjem tekstu: KM) koji se koristi za određivanje osnovne plaće.

Član 3.

(Načela za utvrđivanje visine plaće)

Pri određivanju iznosa plaća i naknada za zaposlene u organima državne službe Općine Breza poštivat će se sljedeća načela:

1) Ista plaća za isto radno mjesto: prema ovom načelu zaposleni u organima vlasti koji obavljaju poslove istog radnog mjesta odnosno iste ili slične poslove imaju pravo na istu osnovnu plaću po vrsti i stepenu stručne spreme;

2) Transparentnost: u skladu sa ovim načelom, prilikom raspisivanja javnih konkursa i oglasa za popunjavanje radnih mjesta obavezno se objavljuje podatak o pripadajućoj osnovnoj neto plaći za oglašena radna mjesta.

Član 4.

(Budžetsko osiguranje sredstava za plaće i naknade)

Financijska sredstva za plaće i naknade i druga primanja nosioca izvršne funkcije, savjetnika i Općinskog pravobranioca, državnih službenika i namještenika organa državne službe, predviđena ovom Odlukom planiraju se i osiguravaju u budžetu Općine Breza.

Član 5.

(Način utvrđivanja osnovice za obračun plaće)

Visinu osnovice za obračun plaće utvrđuje Općinski načelnik na osnovu najniže neto satnice dogovorene sa sindikatom na način da se najniža neto satnica množi sa fondom radnih sati u mjesecu.

Osnovica za obračun plaća se utvrđuje prije donošenja budžeta za narednu fiskalnu godinu, a primjenjuje se od 01.01. za svaku narednu godinu.

Osnovica iz stava 1. i 2. ovog člana usklađivat će se sa raspoloživim sredstvima za ove namjene predviđenim u budžetu.

Ne može se utvrditi veća osnovica od osnovice utvrđene na federalnom nivou.

Ukoliko se Općinski načelnik i sindikat ne dogovore o visini osnovice, ranije dogovorena osnovica ostaje na snazi do dogovora općinskog načelnika i sindikata, a najduže do 90 dana.

Član 6.

(Elementi za utvrđivanje osnovne plaće)

Osnovna plaća se utvrđuje množenjem osnovice za plaću iz člana 5. ove Odluke sa utvrđenim koeficijentom platnog razreda i tako utvrđeni iznos uvećava se za 0,5% za svaku započetu godinu penzijskog staža nosioca izvršne funkcije, savjetnika, Općinskog pravobranioca, državnih službenika i namještenika, a najviše do 20%.

Osnovna plaća ne može biti manja od 70% prosječne neto plaće isplaćene u Federaciji prema posljednjem objavljenom statističkom podatku.

U slučaju da množenjem utvrđene osnovice i pripadajućeg koeficijenta osnovna plaća iznosi manje od 70% prosječne plaće, zaposleniku će se isplatiti plaća u navedenom postotku.

Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

Ukoliko zaposlenik radi sa nepunim radnim vremenom, u skladu sa posebnim zakonom ili drugim propisima, osnovna plaća odredit će se razmjerno vremenu provedenom na radu.

Puno radno vrijeme zaposlenih je 40 sati sedmično.

II – PLAĆE I NAKNADE NOSIOCA IZVRŠNE FUNKCIJE, SAVJETNIKA I OPĆINSKOG PRAVOBRANIOCA U ORGANIMA DRŽAVNE SLUŽBE OPĆINE BREZA

1. Plaća

Član 7.

(Vrijeme ostvarivanja prava na plaću)

Nosilac izvršne funkcije, savjetnici i Općinski pravobranilac, koji dužnost obavljaju profesionalno, imaju pravo na plaću.

Nosilac izvršne funkcije, savjetnici i Općinski pravobranilac ostvaruju pravo na plaću danom stupanja na dužnost.

Nosilac izvršne funkcije, pravo na plaću iz stava 1. ovog člana, ostvaruju danom potvrđivanja izbora.

Savjetnici pravo na plaću iz stava 1. ovog člana, ostvaruju danom postavljenja na radno mjesto.

Općinski pravobranilac pravo na plaću iz stava 1. ovog člana ostvaruje danom imenovanja.

Član 8.

(Platni razredi i koeficijenti za nosioca izvršne funkcije, savjetnike i Općinskog pravobranioca)

Platni razred	Radno mjesto	Koeficijent
I	Općinski načelnik	10,00
II	Općinski pravobranilac	7,60
III	Zamjenik Općinskog pravobranioca	7,00
IV	Savjetnik	6,40

Osnovna plaća nosioca izvršne funkcije, savjetnika i Općinskog pravobranioca utvrđuje se prema članu 6. ove Odluke.

2. Naknade

Član 9.

(Naknada plaće zbog bolesti ili povrede)

Za prvih 42 dana odsutnosti s posla zbog bolesti ili povrede, nosilac izvršne funkcije, savjetnici i Općinski pravobranilac imaju pravo na naknadu plaće u visini plaće koju je ostvario za prethodni mjesec.

Nosilac izvršne funkcije, lica iz stava jedan ove Odluke imaju pravo na naknadu plaće

u visini od 70% plaće koju je ostvario za prethodni mjesec prije odsutnosti s posla zbog bolesti ili povrede za odsutnost s posla duže od 42 dana, a najduže 12 mjeseci, odnosno do kraja mandata.

Nosilac izvršne funkcije, savjetnici i Općinski pravobranilac imaju pravo na naknadu plaće u punom iznosu koju su ostvarili za prethodni mjesec, ako je do odsutnosti s posla došlo iz razloga povrede na radu.

Član 10.

(Naknada plaće nakon prestanka javne funkcije)

Nosilac izvršne funkcije nakon prestanka obavljanja javne funkcije, a do zasnivanja novog radnog ili ugovornog odnosa ili do ispunjavanja uvjeta za penziju, prema općim propisima, ima pravo na naknadu plaće koju je ostvario dok je obavljao javnu funkciju u trajanju od 12 mjeseci.

Prava iz stava 1. ovog člana imaju i savjetnici u trajanju od 6 mjeseci, ukoliko su dužnost savjetnika obavljali duže od dvije godine.

Prava Općinskog pravobranioca iz stava 1. ovog člana utvrđeni su Zakonom o pravobranilaštvu Zeničko-dobojskog kantona.

Nosilac izvršne funkcije, savjetnici i Općinski pravobranilac koji se u skladu sa zakonom, vrate na isto ili slično radno mjesto sa kojeg su izabrani, odnosno imenovani na javnu funkciju, nemaju pravo na naknadu plaće iz stava 1. ovog člana.

Član 11.

(Naknada za troškove ishrane – topli obrok)

Nosilac izvršne funkcije, savjetnici i Općinski pravobranilac, sa izuzetkom osoba koji ne ostvaruju plaću na osnovu profesionalnog rada, imaju pravo na naknadu troškova ishrane (topli obrok) u visini od 1% prosječne mjesečne neto plaće isplaćene u Federaciji prema posljednjem objavljenom statističkom podatku.

Naknada iz stava 1. ovog člana neće se obračunavati za vrijeme odsutnosti s posla po osnovu službenog puta, bolovanja ili godišnjeg odmora.

Član 12.

(Naknada za godišnji odmor i plaćeni dopust)

Nosilac izvršne funkcije, savjetnici i Općinski pravobranilac, imaju pravo na naknadu za vrijeme godišnjeg odmora (regres), u visini 50% prosječne neto plaće isplaćene u Federaciji po zadnje objavljenom statističkom podatku i naknadu za plaćeni dopust u dužini od 30 dana u visini svoje neto plaće iz prethodnog mjeseca.

Član 13.

(Naknada za slučaj smrti, teške bolesti i invalidnosti)

Naknadu za slučaj smrti, teške bolesti i invalidnosti, nosilac izvršne funkcije, savjetnici i Općinski pravobranilac ostvaruju na način i pod uvjetima utvrđenim članom 34. i 35. ove Odluke za državne službenike i namještenike.

Član 14.

(Otpremnina)

Nosilac izvršne funkcije, savjetnici i Općinski pravobranilac imaju pravo na isplatu otpremnine prilikom odlaska u penziju u iznosu od pet njegovih prosječnih plaća isplaćenih u prethodnih pet mjeseci.

Član 15.

(Naknada troškova za službeno putovanje)

Nosilac izvršne funkcije, savjetnici i Općinski pravobranilac, upućeni na službeno putovanje, imaju pravo na naknadu troškova dnevnice, noćenja, prijevoza i ostalih izdataka nastalih u vezi sa službenim putovanjem.

Službenim putovanjem, u smislu ove Odluke, smatra se obavljanje poslova izvan sjedišta institucije u kome nosilac izvršne funkcije, savjetnik i Općinski pravobranilac obavlja svoju funkciju.

Visina dnevnica i drugih troškova službenog putovanja i način njihovog obračuna uređuje se aktom Općinskog načelnika.

III – PLAĆE I NAKNADE DRŽAVNIH SLUŽBENIKA I NAMJEŠTENIKA**1. Osnovna plaća**

Član 16.

(Određivanje plaće prema radnom mjestu)

Državni službenik i namještenik u Jedinственном općinskom organu uprave Općine Breza ima pravo na plaću koja odgovara radnom mjestu na koje je državni službenik odnosno namještenik postavljen.

Član 17.

(Bruto i neto plaća)

Plaća državnog službenika i namještenika utvrđuje se u bruto i neto iznosu.

Plaća u bruto iznosu obuhvaća neto plaću, poreze i doprinose.

Općinski načelnik će svojim aktom propisati obrazac, izgled liste i način prikaza obračuna plaće.

Član 18.

(Platni razredi i koeficijenti za državne službenike)

Platni Razred	Radno mjesto	Koeficijent
I	Sekretar Općinskog vijeća	6,50
II	Sekretar jedinstvenog organa uprave Općine Breza	6,20
III	Pomoćnik općinskog načelnika	5,70
IV	Interni revizor	5,20
V	Šef unutrašnje organizacijske jedinice	4,50
VI	Inspektor	4,30
VII	Stručni savjetnik	4,10
VIII	Viši stručni saradnik	3,90
IX	Stručni saradnik	3,70

Član 19.

(Platni razredi i koeficijenti za namještenike)

Platni razred	Radno mjesto	Koeficijent
I	Šef unutrašnje organizacijske jedinice (VŠS)	3,20
II	Viši samostalni referent (VŠS)	3,10

III	Samostalni referent (VŠS)	3,00
IV	Šef unutrašnje organizacijske jedinice (SSS)	2,80
V	Viši referent (SSS) i VKV radnik	2,70
VI	Referent (SSS) i KV radnik III i IV stepena	2,60
VII	Pomoćni radnik i nekvalificirani radnik (NK radnik)	1,85

2. Dodaci na plaću

Član 20.

(Vrste dodatka na plaću)

Državni službenik i namještenik ima pravo na dodatke na plaću koji su utvrđeni u odredbama člana 21. ove Odluke.

Dodaci na plaću iz stava 1. ovog člana čine sastavni dio osnovne plaće.

Član 21.

(Dodatak na plaću po osnovu posebnih uvjeta rada)

Dodatak na plaću po osnovu posebnih uvjeta rada iznosi:

- za inspektore, od 20% do 30% od osnovne plaće;
- za vatrogasce u iznosu od 30% od osnovne plaće;
- za ostale poslove koji se vrše pod posebnim uvjetima određenim posebnim zakonom dodatak na plaću se može odrediti od 10% do 20%.

Poseban dodatak iz stava 1. ovog člana obračunava se na osnovnu plaće bez dijela plaće po osnovu radnog staža i čini sastavni dio plaće.

Visina dodatka na plaću po osnovu posebnih uvjeta rada iz stava 1. ovog člana utvrđuje se u pravilniku o plaćama i naknadama organa državne službe, u skladu sa kriterijima utvrđenim u Kolektivnom ugovoru.

Član 22.

(Naknada za prekovremeni rad, rad u neradne dane, noćni rad i rad u dane državnih praznika)

U slučaju prekovremenog rada, rada u neradne dane, noćnog rada ili rada u dane državnih praznika, državni službenik i namještenik ima pravo na naknadu osnovne plaće, razmjerno vremenu trajanja tog rada, uvećanom za postotak utvrđen Kolektivnim ugovorom.

Visina naknade i uvjeti za ostvarivanje naknade utvrdit će se aktom općinskog načelnika.

Obračun naknade iz stava 1. ovog člana vrši se od osnovne plaće bez dijela plaće po osnovu penzijskog staža.

Naknada iz ovog člana čini sastavni dio plaće.

3. Plaće za pripravnike i naknade za volontere

Član 23.

(Visina plaće za pripravnike)

Plaća pripravnika visoke, više i srednje stručne spreme u organu državne službe utvrđuje se u iznosu, i to:

- za visoku školsku spremu u iznosu od 80% od početne osnovne plaće utvrđene za radno mjesto stručnog saradnika;
- za višu školsku spremu u iznosu od 80% od početne osnovne plaće utvrđene za radno mjesto samostalnog referenta;

- za srednju stručnu spremu u iznosu od 80% od početne osnovne plaće utvrđene za radno mjesto referenta.

Početna osnovna plaća iz stava 1. ovog člana predstavlja samo iznos plaće bez dijela plaće po osnovu penzijskog staža.

Član 24.

(Visina naknade za volontere)

Volonteri visoke, više i srednje stručne spreme u organu državne službe imaju pravo na naknadu, i to:

- za visoku školsku spremu u iznosu od 35% od osnovne plaće stručnog saradnika;
- za višu školsku spremu u iznosu od 35% od osnovne plaće samostalnog referenta;
- za srednju stručnu spremu u iznosu od 35% od osnovne plaće referenta.

Visina naknade iz stava 1. ovog člana određuje se od osnovne plaće odgovarajuće školske spreme.

4. Obračun i isplata plaće

Član 25.

(Način obračuna i isplate plaće)

Plaća se obračunava za jedan mjesec unatrag, a isplaćuje za prethodni mjesec u skladu sa Zakonom o radu i Odlukom o izvršavanju budžeta Općine Breza.

Plaća iz stava 1. ovog člana utvrđuje se rješenjem kojeg donosi općinski načelnik. Rješenje sadrži: osnovne podatke državnog službenika i namještenika, radno mjesto na koje je postavljen, platni razred i sve elemente koji su uzeti u obzir za utvrđivanje visine plaće.

Podaci o plaćama državnih službenika i namještenika su javni.

Sve izmjene u visini plaće vrše se rješenjem koje donosi općinski načelnik.

Član 26.

(Vrste naknada)

Državni službenik i namještenik ima pravo na naknade utvrđene u odredbama člana 27. do 38. ove Odluke.

Član 27.

(Plaćeni dopust)

Državni službenik i namještenik ima pravo na plaćeni dopust u dužini od 30 dana u visini svoje neto plaće iz prethodnog mjeseca.

Član 28.

(Naknada za ishranu tokom rada)

Državni službenik i namještenik ima pravo na novčanu naknadu za ishranu u toku rada (topli obrok), u visini 1% prosječne neto plaće isplaćene u Federaciji po zadnjem statističkom podatku.

Član 29.

(Regres za godišnji odmor)

Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plaće isplaćene u Federaciji po zadnjem objavljenom statističkom podatku.

Pravo na regres iz stava 1. ovog člana ima svaki državni službenik i namještenik koji u toku tekuće kalendarske godine ima pravo na godišnji odmor.

Član 30.

(Naknada za bolovanje)

Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.

Naknada plaće za bolovanje preko 42 dana iz stava 1. ovog člana ostvaruje se po propisu kantona kojim se uređuje naknada za ovo bolovanje, s tim da razliku do pune plaće isplaćuje organ državne službe Općine Breza.

Član 31.

(Naknada za porodiljski dopust)

Državni službenik i namještenik za vrijeme porodiljskog dopusta ima pravo na naknadu plaće prema propisima kantona kojim se uređuje ova oblast, prema mjestu uplate doprinosa s tim da razliku do visine pune plaće uplaćuje organ državne službe Općine Breza.

Član 32.

(Naknada za službeno putovanje)

Državni službenici i namještenici imaju pravo na naknadu za troškove službenog putovanja na području Federacije, odnosno Bosne i Hercegovine, kao i za putovanja u inostranstvo, na koje se upućuju na izvršenje službenog zadatka.

Visinu i način ostvarivanja naknade iz stava 1. ovog člana utvrđuje općinski načelnik u skladu sa Kolektivnim ugovorom.

Član 33.

(Naknada za prijevoz na posao i s posla)

Državnom službeniku i namješteniku kome nije organizovan službeni prijevoz na posao i s posla, a čije je mjesto stanovanja od mjesta rada udaljeno najmanje 2 km, pripada naknada za troškove prijevoza u visini mjesečne karte gradskog, prigradskog i međugradskog saobraćaja.

U međugradski saobraćaj spadaju mjesta koja su udaljena od mjesta rada do 70 km.

Član 34.

(Naknada za slučaj povrede na radu, teške bolesti i invalidnosti)

U slučaju povrede na radu, teške bolesti ili invalidnosti državnog službenika ili namještenika ili člana njegove uže porodice isplaćuje se jednokratna novčana pomoć u visini od dvije prosječne neto plaće isplaćene u Federaciji prema zadnjem objavljenom statističkom podatku.

Član 35.

(Naknada za slučaj smrti i pravo na osiguranje od posljedica nesretnog slučaja)

U slučaju smrti državnog službenika, odnosno namještenika njegovoj porodici se isplaćuju troškovi sahrane u visini od četiri prosječne neto plaće isplaćene u Federaciji prema zadnjem objavljenom statističkom podatku.

Članom uže porodice državnog službenika ili namještenika, u smislu stava 1. ovog člana smatraju se bračni i vanbračni drug ako žive u zajedničkom domaćinstvu, dijete (bračno, vanbračno, usvojeno, pastorče i dijete bez roditelja uzeto na izdržavanje do 18 godina odnosno do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob), roditelji (otac, majka, očuh, maćeha i usvojitelji) pod uvjetom da žive u zajedničkom domaćinstvu sa državnim službenikom ili namještenikom, braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih

korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima živi u zajedničkom domaćinstvu i unučad ako nemaju roditelja i žive u zajedničkom domaćinstvu s državnim službenikom ili namještenikom.

Naknada iz stava 1. ovog člana isplaćuje se i u slučaju smrti člana uže porodice državnog službenika ili namještenika.

Ukoliko u organu državne službe rade dva ili više članova porodice, troškovi sahrane iz stava 1. ovog člana se isplaćuju samo jednom zaposlenom članu porodice.

Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u organima državne službe.

Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.

Ugovor o osiguranju sa odgovarajućom osiguravajućom kućom zaključuje općinski načelnik za sve državne službenike i namještenike zaposlene u tom organu u skladu sa Kolektivnim ugovorom.

Član 36. (Otpremnina)

Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u prethodnih pet mjeseci.

Član 37. (Naknada u slučaju prekobrojnosti)

U slučaju prestanka radnog odnosa državnog službenika odnosno namještenika zbog prekobrojnosti, taj državni službenik odnosno namještenik ima pravo na naknadu u iznosu i to:

- za radni staž do 10 godina naknada iznosi tri neto plaće državnog službenika odnosno namještenika;
- za radni staž od 11 do 30 godina naknada iznosi šest neto plaća državnog službenika odnosno namještenika;
- za radni staž preko 30 godina naknada iznosi deset neto plaća državnog službenika odnosno namještenika.

Član 38. (Naknada za rad u komisijama)

Članovi komisija koje se formiraju na osnovu rješenja općinskog načelnika, a čije osnivanje je predviđeno zakonom, imaju pravo na maksimalnu mjesečnu naknadu za rad u komisiji do visine jedne i po (1,5) osnovice iz člana 6. ove Odluke.

Tačan iznos odnosno visinu naknade za rad svojim aktom utvrđuje općinski načelnik za svaku pojedinačnu komisiju.

Naknade za rad u komisijama iz stava 1. ovog člana a koje se finansiraju od uplata fizičkih ili pravnih osoba ne ulaze u ograničenje iz stava 1. ovog člana.

Član 39. (Propis o uvjetima i postupku ostvarivanja naknada)

Postupak ostvarivanja prava na naknade i visinu tih naknada, u skladu sa ovom Odlukom, utvrđuje rukovodilac organa državne službe uz konsultaciju sa sindikatom.

Član 40. (Donošenje pravilnika o plaćama i naknadama)

Rukovodilac organa državne službe dužan je donijeti pravilnik o plaćama i naknadama u skladu sa odredbama ove Odluke i Pravilnikom o unutrašnjoj organizaciji jedinstvenog

općinskog organa uprave Općine Breza.

Pravilnik iz stava 1. ovog člana donosi se uz pribavljeno mišljenje sindikata.

IV – PRELAZNE I ZAVRŠNE ODREDBE

Član 41.

Stupanjem na snagu ove Odluke prestaje da važi Pravilnik o plaćama i naknadama plaća državnih službenika i namještenika u Jedinственном općinskom organu uprave Općine Breza broj: 01/2-49-371/06 od 10.10.2006.godine i Pravilnik o ostvarivanju naknada i drugih materijalnih prava koje nemaju karakter plaće broj: 01/2-49-372/06 od 12.10.2006.godine.

Član 42.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-02-3187/13
Breza, 21.11.2013.godine

PREDSJEDAVAJUĆI
Općinskog vijeća
Miro Vrljičak, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 3. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06), člana 24. Zakona o prostornom uređenju („Službene novine ZE-DO kantona broj: 2/04 i 2/08) i člana 19. tačka 5. Statuta Općine Breza („Službeni glasnik Općine Breza“, broj 10/07 i 5/08), Općinsko vijeće Breza na sjednici održanoj dana 21.11.2013. godine, d o n o s i

O D L U K U

o pristupanju izradi Regulacionog plana za dio užeg urbanog područja grada Breza

Član 1.

Pristupa se izradi Regulacionog plana za dio užeg urbanog područja grada Breza.

Član 2.

Regulacionim planom su obuhvaćene zone prema namjeni površina utvrđenoj članom 11. Odluke o provođenju izmjena i dopuna urbanističkog plana grada („Službeni glasnik Općine Breza“, broj 8/03) i to tačke kako slijedi:

C.) dio zone za centralne sadržaje:

(od Doma zdravlja Breza do ulice za stadion)

E.) javni sadržaj i mješovito stanovanje

F.) mješovito stanovanje

G.) individualno stanovanje, zona I, zona II i zona III

I.) sport i rekreacija

J.) školski objekti, oivičene regionalnom cestom sa zapada, ulicom Patriotske lige

(Derviševića put) sa juga, i rijekom Stavnjom sa istoka obuhvatajući Ekonomiju.

Član 3.

Regulacioni plan se donosi za period od 5 godina.

Član 4.

Izrada Regulacionog plana obuhvatit će izradu nacrtu i prijedloga Regulacionog plana. Rok za izradu Regulacionog plana je novembar 2014-te godine.

Član 5.

Sredstva za izradu Regulacionog plana obezbjedit će se iz budžeta općine, i kroz finansijsko učešće potencijalnih investitora.

Član 6.

Nosilac pripreme izrade Regulacionog plana je općinska služba za prostorno uređenje, zaštitu okolice, geodetske i imovinsko pravne poslove općine Breza (u daljem tekstu: „Nosilac pripreme“).

Nosilac izrade Regulacionog plana će biti odabran sistemom ponuda (u daljem tekstu: „Nosilac izrade“).

Član 7.

Izmjene i dopune Regulacionog plana izradit će se prema Uredbi o jedinstvenoj metodologiji za izradu dokumenata prostornog uređenja. ("Službene novine Federacije BiH", br. 63/04, 50/07).

Član 8.

Nosilac izrade plana je obavezan u plan ugraditi sve stručne ocjene za lokacije u obuhvatu plana, pribavljene od ovlaštenih organizacija.

Član 9.

U postupku izrade Regulacionog plana nosilac priprema će obezbjediti saradnju i usaglašavanje stavova sa svim zainteresovanim činiocima, kao i pribaviti njihovo mišljenje u skladu sa zakonom.

U fazi izrade, a prije utvrđivanja nacrtu Regulacionog plana, nosilac priprema će obezbjediti razmatranje koncepta izmjena i dopuna na stručnoj komisiji, koja će svoje mišljenje dostaviti nosiocu priprema plana.

Član 10.

Nosilac pripreme Regulacionog plana utvrđuje nacrt Regulacionog plana i podnosi ga Općinskom vijeću Breza na razmatranje.

O nacrtu Regulacionog plana obaviti će se javna rasprava u trajanju od 30 dana.

Na osnovu rezultata javne rasprave i stavova Općinskog vijeća, nosilac pripreme će utvrditi prijedlog Regulacionog plana i podnijeti ga Općinskom vijeću na usvajanje, uz obrazloženje svih prijedloga i mišljenja prikupljenih u toku javne rasprave koja nisu mogla biti usvojena.

Član 11.

Subjekti planiranja izrade Regulacionog plana su: Općinsko vijeće, mjesne zajednice, vlasnici nekretnina u obuhvatu plana i privredni subjekti.

Član 12.

Stupanjem na snagu ove Odluke stavlja se van snage Odluka broj: 01/1-02-576/09 od 25.03.2009 godine.

Član 13.

Ova Odluka stupa na snagu osmog dana od dana objavljivanja u „Službenom glasniku Općine Breza“.

Broj: 01/1-23-3188/13
Breza, 21.11.2013. godine

PREDSJEDAVAJUĆI:
Općinskog vijeća
Vrljičak Miro,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3180/13
Breza, 21.11.2013.godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Nacrta Budžeta Općine Breza za 2014.godinu, Općinsko vijeće Breza na sjednici održanoj dana 21.11.2013.godine, donosi

ZAKLJUČAK**I**

UTVRĐUJE SE Nacrt Budžeta Općine Breza za 2014.godinu.

Po utvrđenom Nacrtu Budžeta Općine Breza za 2014.godinu sprovesti javnu raspravu sa vijećnicima i svim korisnicima Budžeta Općine Breza.

II

Javnu raspravu sprovesti u periodu od 22.11.2013. do 22.12.2013.godine

III

Za realizaciju zaključka zadužuje se Općinski načelnik i Služba za finansije, inspeksijske poslove i opću upravu.

Dostavljeno:
1x Služba za finan.insp.posl.i opću upr..
1x Općinski načelnik,
1x 01/1,
1x a/a.

PREDSJEDAVAJUĆI:
Općinskog vijeća
Miro Vrljičak,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3224/13
Breza, 21.11.2013.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Informacije o upisu učenika u prve razrede osnovnih i srednjih škola u školsku 2013/2014 godinu i informacije o uspjehu učenika u učenju i vladanju u školskoj 2012/2013.godini, Općinsko vijeće Breza na sjednici održanoj dana 21.11.2013.godine, d o n o s i

ZAKLJUČAK

I

Da se kod razmatranja informacija i izvještaja o radu javnih ustanova i javnih preduzeća obavezno pozivaju i direktori javnih ustanova i javnih preduzeća na sjednice Općinskog vijeća.

II

Da se informacija o upisu učenika u prve razrede osnovnih i srednjih škola u školskoj 2013/2014 godini i informacija o uspjehu učenika u učenju i vladanju u školskoj 2012/2013 dopuni sa podacima o broju izostanaka učenika u toku školske godine, kao i podaci o jedodnevnim izostancima, te razlozi i motivi izostanaka.

III

Za realizaciju zaključka zadužuje se Služba za finansije, inspeksijske poslove i opću upravu.

IV

Zaključak objaviti u „Službenom glasniku Općine Breza“.

Dostavljeno:
1x Predsjedavajući OV,
1x Stručna služba OV,
1x 01/1,
1x a/a.

PREDSJEDAVAJUĆI:
Općinskog vijeća
Miro Vrljičak, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-3171/13
Breza, 21.11.2013.godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Informacije o stanju vodosnabdjevanja na području Općine Breza za period 01.01.2013. do 31.10.2013.godine, Općinsko vijeće Breza na sjednici održanoj dana 21.11.2013.godine, d o n o s i

Z A K L J U Č A K

I

Da se zakaže tematska sjednica Općinskog vijeća na kojoj bi se razmatrala higijenska ispravnost vode za piće na području Općine Breza.

II

Prilikom pripreme tematske sjednice uključiti Zavod za javno zdravstvo Ze-do kantona, Javnu ustanovu Dom zdravlja Breza i JP „Komunalno“ d.o.o. Breza.

III

Za realizaciju zaključka zadužuje se Služba za privredu, Skupština JP „Komunalno“ d.o.o. Breza i JP „Komunalno“ d.o.o. Breza.

IV

Rok realizacije zaključka je 90 dana od dana objavljivanja u „Službenom glasniku Općine Breza“.

V

Zaključak objaviti u „Službenom glasniku Općine Breza“.

Dostavljeno:

1x Služba za privredu,
1x Skupština JP „Komunalno“ d.o.o. Breza,,
1x JP „Komunalno“ d.o.o. Breza,
1x Dom zdravlja Breza,
1x 01/1,
1x a/a.

PREDSJEDAVAJUĆI:

Općinskog vijeća
Miro Vrljićak,s.r.

S A D R Ź A J

- 289. Odluka o pristupanju izradi Plana upravljanja otpadom na području Općine Breza.
- 290. Odluka o plaćama i naknadama u Jedinstvenom općinskom organu uprave Općine Breza.
- 299. Odluka o pristupanju izradi Regulacionog plana za dio užeg urbanog područja grada Breza.
- 301. Zaključak o utvrđivanju Nacrta Budžeta Općine Breza za 2014.godinu.
- 302. Zaključak o upisu učenika u prve razrede osnovnih i srednjih škola u školskoj 2013/2014 godini i o uspjehu učenika u učenju i vladanju u školskoj 2012/2013.
- 303. Zaključak o zakazivanju tematske sjednice Općinskog vijeća na kojoj bi se razmatrala higijenska ispravnost vode za piće na području Općine Breza.

